



Rheolau am Geisiadau am Gydnabyddiaeth Cyffredinol Corff Dyfarnu

AWST 2019



Rheoli fersiynau

Cyhoeddwyd y fersiwn hon (3) o Rheolau am Geisiadau am Gydnabyddiaeth Cyffredinol Corff Dyfarnu ym mis Awst 2019. Mae'r fersiwn hon yn disodli Fersiwn 2, a gyhoeddwyd ym mis Mehefin 2017.

Croesewir adborth gan y cyhoedd ar y ddogfen reoleiddio hon yn y cyfamser. Dylech anfon eich sylwadau i polisi@cymwysteraucymru.org.

Cynnwys

Egwyddorion Cyffredinol.....	4
Cydnabod corff dyfarnu.....	5
Sut i wneud cais.....	5
Dod â'ch Cydnabyddiaeth i ben neu ei ddiwygio	7

Egwyddorion Cyffredinol

Mae'r ddogfen hon wedi'i hanelu at unrhyw gorff sy'n awyddus i wneud cais i Cymwysterau Cymru i ddod yn gorff dyfarnu cydnabyddedig ac i gael ei gymwysterau wedi'u rheoleiddio yng Nghymru. O dan adran 10 o Ddeddf Cymwysterau Cymru 2015, rhaid i ni lunio rheolau ynghylch cyflwyno ceisiadau i ni mewn perthynas â chydabod corff dyfarnu. Nod y rheolau yw darparu'r canlynol:

- eglurder i ymgeiswyr o ran y wybodaeth sydd ei hangen ar Cymwysterau Cymru er mwyn gallu ystyried p'un a ellir cydnabod corff; a
- eglurder i ymgeiswyr o ran y broses ar gyfer gwneud cais am gydnabyddiaeth

Cyn gwneud cais, dylai ymgeiswyr ddarllen y ddogfen hon ar y cyd ag unrhyw ddogfennau cyhoeddus o blith yr isod:

- [Meini Prawf Cydnabod Cyffredinol](#);
- Meini Prawf Cydnabod ar gyfer cymhwyster-benodol, megis [ar gyfer cymwysterau TGAU / TAG](#);
- [Amodau Cydnabod Safon](#);
- [Meini Prawf Cymeradwyo ac Amodau Cymeradwyo](#); a
- [Rheolau am geisiadau i ddynodi cymwysterau](#)

Mae'r ddogfen hon yn ymwneud yn bennaf â cham 1 o'r broses gwneud cais. Os bydd ymgeisydd yn llwyddo yn ystod cam 1, bydd Cymwysterau Cymru yn darparu rhagor o fanylion am gam 2 o'r broses.

Cydnabod corff dyfarnu

Er mwyn cynnig cymwysterau rheoleiddiedig yng Nghymru, mae'n rhaid i gorff dyfarnu gael ei gydnabod gan Gymwysterau Cymru.

Er mwyn cynnig cymwysterau rheoledig yng Nghymru, rhaid i gorff dyfarnu gael ei gydnabod gan Gymwysterau Cymru. Cyn y gellir rhoi cydnabyddiaeth i Gorff Dyfarnu, rhaid iddo gyflwyno cais i ni, gan ddangos ei fod yn cwrdd â'n Meini Prawf Cydnabod Cyffredinol.

Sut i wneud cais

Os hoffech wneud ymholiad ynghlŷn â chael eich cydnabod, e-bostiwch recognitionandapproval@cymwysteraucymru.org

Ar ôl i chi roi gwybod i ni eich bod yn dymuno bod yn gorff dyfarnu cydnabyddedig, gofynnir i chi gwblhau ffurflen ymholiad ffurfiol fel y gallwch nodi eich rhesymau pam eich bod eisiau cael eich cydnabod.

Ein nod yw adolygu'r ffurflen ymholiad a gwblhawyd gennych o fewn 10 diwrnod gwaith i'w derbyn ac efallai y byddwn yn eich gwahodd i drafod eich rhesymau penodol dros wneud cais â ni.

Os ydych am fwrw ymlaen ar ôl ein trafodaeth, gofynnwn i chi i gwblhau a chyflwyno ein ffurflen gais Cydnabod

Yna byddwn yn eich cefnogi i lanlwytho unrhyw dystiolaeth ategol yr hoffech ei chyflwyno ochr yn ochr â'ch ffurflen gais.

Ar ôl ei chyflwyno, byddwn yn adolygu'r holl dystiolaeth a gyflwynwyd gennych yn erbyn ein Meini Prawf Cydnabod Cyffredinol er mwyn gwneud penderfyniad o fewn 40 diwrnod gwaith.

Os na fyddwch wedi bodloni gofynion ein Meini Prawf Cydnabod Cyffredinol, byddwn yn ysgrifennu atoch i esbonio pam ein bod wedi gwrthod eich cais.

Ar ôl ystyried ein hadborth, mae croeso i chi wneud cais arall.

Os ydych wedi cwrdd â'n meini prawf, byddwn yn eich adnabod yn ffurfiol fel corff dyfarnu yng Nghymru. Byddwch yn gallu cynnig eich holl gymwysterau cydnabyddedig fel y'u rheoleiddir gan Gymwysterau Cymru, oni bai:

- a) ein bod wedi cyhoeddi Meini Prawf Cydnabod sy'n benodol i gymhwyster nad ydych wedi'u cwrdd, neu,
- b) eich bod yn nodi'n glir eich bod am i rai cymwysterau, neu ddisgrifiadau o gymwysterau, gael eu heithrio.

Dod â'ch Cydnabyddiaeth i ben neu ei ddiwygio

Os ydych am i ni beidio â rheoleiddio rhai neu bob un o'ch cymwysterau, bydd angen i chi 'ildio' eich cofrestrriad. Mae ildio'n broses wirfoddol, ffurfiol ac mae'n rhaid gwneud hynny gan gydymffurfio â'r gofynion a bennwyd yn Amod D7 ein Hamodau Cydnabod Safonol.

Ildiad Rhannol

Gallwch roi gwybod i ni am eich bwriad i ildio eich cydnabyddiaeth i gynnis cymwysterau penodol a/neu ddisgrifiadau o gymwysterau. Yn yr achos hwn, byddwn yn cael gwared ar y cymwysterau cytûn o gwmpas eich cydnabyddiaeth a byddwch yn parhau i gael eich cydnabod fel corff dyfarnu gyda ni.

Ni fydd y cymwysterau hynny sydd wedi'u ildio yn gymwysterau cydnabyddedig mwyach. Ni fyddwch bellach yn gallu eu cynnis fel y'u rheoleiddir gennym ni. Rhaid i'r newid statws hwn gael ei wneud yn glir i ddarpar brynwyr cymwysterau ac ni ddylid eu disgrifio fel cymwysterau rheoleiddiedig pan nad ydyn nhw felly mwyach.

Ildiad Llwyf

Gallwch hefyd roi gwybod i ni eich bod am ildio eich cydnabyddiaeth fel corff dyfarnu'n llwyf. Pan fydd y broses hon wedi'i chwblhau, ni fyddwch yn cael eich cydnabod gennym mwyach ac ni fyddwch yn gallu cynnis cymwysterau rheoleiddiedig i ddysgwyr yng Nghymru.

Er mwyn dechrau'r naill broses neu'r llall, e-bostiwch recognitionandapproval@cymwysteraucymru.org a byddwn yn trafod eich cynlluniau chi a'n gofynion ni.